

Segunda carta de San Pedro

Cristore t̄or̄ãnr̄ãre Pedro papera ï cõare gaye

¹ Ñati m̄ua. Ȳu ña Simón Pedro, adi papera m̄uare cõagũ. Jesucristore moa ïsigũ ña ȳu. Ï oca ȳu goti ucutoni ȳure cũquĩ ï. Ïti ñami mani Ʋj̄u, ito yicõri manire masor̄u. Queno yiḡu ñari ï yiro bajiroti mani t̄or̄ãnr̄oca yĩni Jesucristo. Ïre t̄or̄ãnr̄ocõri sigũre bajiroti ʘsi c̄ati wan̄ua mani. Ito bajiri adi papera m̄uare cõa ȳu.

² Diore, ito yicõri mani Ʋj̄u Jesucristore c̄uni b̄uto b̄usa mani t̄oõaja, mani ya ʘsi queno wan̄u quenaroja manire. Ito yicõri queno manire ejab̄ua remogũ yiguĩji Dios. Ito bajiro m̄ua ñatoni m̄uare yiari Diore seni ïsisotia ȳu.

Cristore t̄or̄ãnr̄ã ñari ado bajiro ñaja quena, yire gaye

³ Manire beseñi Cristo ïre bajiro Dios ñarã mani ñatoni. Ito yicõri ï queno yi ñaro bajiro mani c̄uni yi ñatoni manire beseñi Cristo. Dios ñacõri, r̄ëtoro masigũ ñami Jesucristo. Ito bajiri ïre mani t̄or̄ãnr̄uja ï masi r̄ëtoc̄urisena manire ejab̄uaḡu yiguĩji. Ito yicõri ï ãmoro bajiro mani c̄adi jeo masitoni, manire ejab̄uaḡu yiguĩji ï.

⁴ R̄ëtoro masigũ ñari ado bajiro manire goticãñi Cristo: “Diore masibiticõri ñeñaro yi ʘyarã ñarãji adi mac̄ar̄uc̄uro ḡana. Ïna ya ruj̄u ñeñaro iti t̄oõajare ñeñaro yirã yirãji ïna. Ïnare bajiro m̄ua yibe

yirocɯ mɯareama ejabɯagɯ yigɯja yɯ. Ito yicōri yɯ tɯoɽarore bajiro mɯa tɯoɽaroca yigɯ yigɯja yɯ”, yicãñi Cristo manire.

⁵ Ito bajiri Jesucristore riti tɯorɯnɯrã ñari queno yi ñasotirɯja manire ïja. Ito yicōri Dios ocare cɯni riasotirɯja manire.

⁶ Ito yicōri mani ya rujɯnati mani ñeñaro yi ãmorisere ñemecutirɯja manire. Ito bajiro tɯoɽacōri bɯto bɯsa Cristore tɯorɯnɯrɯja manire. Ìre tɯorɯnɯcōri, Dios ï ãmoro bajiro riti mani yi ñaja quena.

⁷ Dios ãmoro bajiro yicōri, mani ñarãre cɯni ti maija quena. Ito yicōri ñnare ejabɯarɯja manire.

⁸ Ito bajiro mani yija quenaroja manire. Ito bajiro yicōri Jesucristo ï ãmoro bajiro riti yisotirã yirãji mani. Ito yicōri ïre moa ïsirã yirãji. Ito bajiro mani yibeja, ïre masirã ñabojarãti, ïre ejabɯamena bajiro ñarã yirãji mani. Ito bajiri mani ñabojarise waja mano bajiroti ñarãji mani.

⁹ Ito bajiro queno yi masibicɯama, “Ado bajiro yɯ yire ãmoami Dios”, yi tɯoɽa ɯsirioɯ meje ñami ïocã. “Yɯ ñeñaro yirisere coeñi Dios”, yigɯ ñabojaguti tɯdi mɯcana ãcabojagɯ ñami ïocã.

¹⁰ Ito bajiro yi ãmobitirɯja yɯ ñarã manire. Ito bajiri ï ãmoro bajiro riti yi ñarɯja manire. Ito bajiro ñacōri, “Yɯre beseñi Dios. Ì yagɯ ña yɯ”, yi tɯoɽarã yirãji mani ïja. Ito bajiro yi tɯoɽacōri ñeñaro yi ɯyabitirɯja manire. Diore riti mani cɯdija ïre tɯorɯnɯ jidicãmenaji mani ïja.

¹¹ Ito bajiri Jesucristo mani Ʋjɯ ï rotitĩñaroju ejarã yirãji mani. Ì manire masogoruti ñari, ï tɯju mani ejaroca yigɯ yiguñji ïja.

12 Adi oca masicãrã ñari itire queno cudia mña. Ito bajiro mña masicãrã ñabojarocati mñare gotitĩñagũ yigũja yũ. Ito bajiri mña ãcabojabe yirocũ, biyaro mñare gotisotigũ yigũja yũ.

13-14 “Yoari meje godagũ yigũja yũ”, yũ yi masiroca yiñi mani Ʋjũ Jesucristo yũre. Ito bajiri itire masicõri, yũ catirocõ mñare goti ñagũ yigũja yũ maji. Ito bajiri yũ gotirisere queno mña tũoĩare ãmoa yũ.

15 Adi paperana ruje iti oca mñare gotisoticũja yũ. Ito bajiri yũ godaja bero josari mejeti itire tũoĩa bũjarã yirãji mña.

Jesucristo yogũ ã godo wedija ticũ yũ, Pedro ã yire gaye

16 Mani Ʋjũ Jesucristo ija ã masiro robo ã tũdi ejaroti gayere mñare goticũ yũ. Yũmasi tũoĩa rujeocõri meje itire mñare goticũ yũ. Ado bajirojũa baja iti gaye. Yũmasiti ãre ticõri, “Rẽtoro masigũ ñami”, yi tũoĩacõri mñare goticũ yũ.

17-18 Dios oca iti ruyuroca Jesús rãca gũta yucũrijũ ñacũ yũ. Ito bajiri rẽtoro yi masigũ ã oca ãmacũjũ iti ruyuja tũocũ yũ cũni: “Ãniti ñami yũ Macũ, yũ maigũ. ãre bũto wanũa yũ”, yi ruyucũ Dios oca, yũ tũoja. Iti ruyuroca Jesucristo bũto yogũ ã godo wedija ticũ yũ. Jeyaro iti rõtaja ticõri, “Cristore bũto rũcũbũoami mani Jacũ Dios. Ito yicõri ã masirise jidicãñi Dios ãre”, yi tũoĩa yũ.

19 Iti rõtaja tigorũ ñari, “Diore goti ãsiri masa ñaro bajiroti queno yi ucayoñi ãna”, yi tũoĩa yũ ãja. Ito bajiri ãna ucayorere mani tũorũnũja quena. ãna ucayore mani queno riasotija, “Ado bajiro yũ yire ãmoami Dios”, yi tũo masirã yirãji mani. Ado

bajiroj_{ua} baja. Rãitãaroj_u sãaticõri mani waja, wa masirãji mani. Ito bajiri guijoroj_u wamenaji mani. Itire bajiroti Dios oca mani riasotija, ãre cãdirã yirãji mani. Ito yicõri guijoro ruore oca gotirãre tãorãn_umenaji mani. Ito bajiri Jesucristo ã tãdi ejaroto rioj_{ua}, Dios ocare riasotirã riti ña yur_uja manire. Ito bajiri Jesús eja wacãti mani tão masi-bitire mani tão masi jediroca yig_u yiguãji.

²⁰⁻²¹ Queno tãoya m_{ua}. Bãto b_{usa} ñasarise m_{uare} gotig_u ya y_u. Dios ocare rujeobiticã masa. Ñnamasi tãoã rujeocõri meje ucayijarã Dios oca goti ãsiri masa. Ado bajiroj_{ua} baja. Jane mejej_u Diore goti ãsiri masare quedi sãjacõri, Dios oca ña uca masiroca yiyij_u Espãritu Santo.

2

Ado bajiro riasorã yirãji ruori masa, yire gaye (Jud 4-13)

¹ Ito bajibojarocati gãjerãma ruore oca gotiyijarã ña. “Diore goti ãsiri masa ña g_{ua}”, yi ruoyijarã ña. Adi rãm_uri cãni m_{ua} wato ñarãji ñnare bajiro ruo jairã. “Dios oca riojo gotirã ña g_{ua} ãja”, yi riaso ruorã yirãji ña. Ito bajiro riaso ruocõri Jesucristo ocare masa ña jidicãroca yirã yirãji ña. Iti gaye riti meje ruorã yirãji ña. “Manire goda ãsir_u meje ñami Jesucristo”, yi ruorã yirãji. Ito yicõri, “Mani Ëj_u meje ñami ã”, yirã yirãji ña. Riojo meje riasorã yirãji ña. Ito bajiro ña yija tãocõri, yoari mejeti ruyuriog_u yiguãji Dios ñnare.

² “Mani ya ruj_unati mani yi ãmorise mani yija quena”, yi ruorã yirãji ña. Ñna ruorisere tãorãn_ucõri jãjarã masa ñnare bajiro ñeñaro yirã

yirāji. Ito bajiro ñeñaro yicōri Cristo oca ñasarisere aja tudirā yirāji masa. Ito bajiri Cristo ocare ñna aja tudija, r̄ore oca riasotirāre seti ñaro yiroja.

³ Ito yicōri m̄a ya gajeoni b̄ja āmorā, m̄are r̄orā yirāji ñna. Ito bajiro ñna ñeñaro yiroto rioj̄a masicāyij̄a Dios. Iti masicōri, “Ñna ñeñaro yirise waja, waja senic̄ja ȳ”, yi t̄oīayij̄a Dios. Ito bajiri co r̄m̄ ñnare waja seniroc̄ ācabobabiquīji Dios.

⁴ ¿Dios ñaro gāna ángel mesa oca masiati m̄a? Jane mejej̄a jājarā ángel mesa ñeñaro yi āmorā queno Diore c̄dibisijarā ñna. Ito bajija ticōri, “No yibea ȳre”, yibisij̄a Dios. B̄to r̄it̄aroj̄a ñnare cōayij̄a ī. Ito yicōri ñna ñeñaro yirise waja, waja ī seniroti r̄m̄ rioj̄a ito riti ñnare cūyij̄a ī. Ito bajiroti r̄ore oca riasotirāre c̄ni b̄to waja senigū yiguīji Dios.

⁵ ¿Jane mejej̄a Noé ñayor̄a ī ñaroca ñagoanare masiati m̄a? Ñna ñeñaro yirise ticōri ñnare ruyuri-oyij̄a Dios. Ide jairo idé queoyij̄a, ñna ruja godajaro yiroc̄. “M̄a ñeñaro yirisere j̄dicār̄ja m̄are”, yibojayij̄a Noé ñayor̄a masare. Ito ī yibojarocati j̄dicābisijarā ñna. Ito bajiri Noé, ito yicōri ī ñarā j̄a āmojeno ñarāre riti masoyij̄a Dios.

⁶ ¿Sodoma gāna ñabojana, Gomorra gāna ñabojana oca c̄ni masiati m̄a? B̄to ñna ñeñaro yija ticōri, ñnare ruyurioroc̄ jea queoyij̄a Dios ñna ya c̄torire. Ito bajiro yiyij̄a Dios, “Īre c̄dimenati mani ñeñaro yija manire c̄ni ruyurioḡa yiguīji Dios”, yi mani t̄oīa masitoni.

⁷⁻⁸ ¿Queno yigor̄a Lot wame c̄tiḡa oca masiati m̄a? Sodoma gāna, Gomorra gānare c̄ni ruyurio jeobojaḡati ito gaḡa Lot sīḡureti ruyuriobisij̄a Dios.

Diore r̄uc̄uoḡu ñayij̄u Lot. Co rum̄u r̄uyabeto ï t̄u ḡana ñeñaro ñna yija, t̄isotibojayij̄u Lot. Ito yic̄õri ñna ñeñaro busirisere can̄i t̄uosotibojayij̄u ï. R̄õore gaye ñabojarocati ñeñaro yi ajeyij̄arã ñna ãm̄ua com-asiti. Ito bajiro ñna yija tic̄õri, ï ya usij̄uama bojori bujayij̄u Lot ñayor̄u. Ito bajiri ñreama ruyuriobisij̄u Dios.

⁹ Iti ocare t̄uoc̄õri, “Mani ñeñaro yitoni r̄am̄ú ï usirioro yi codeja, manire ejab̄uaḡu yiguñji Dios. Ito yic̄õri mani ñeñaro yibe yiroc̄u, manire ejab̄uaḡu yiguñji ï. Ito bajiri ñeñaro yir̄areama ãcabojabitic̄õri, ïja ï waja seniri r̄am̄u ñnare waja seniḡu yiguñji Dios”, yi t̄uoña mani.

¹⁰ Ñna ya ruj̄u iti ñeñaro t̄uoñaro bajiro yir̄are, ito yic̄õri, “Ujar̄are cudibic̄uja ȳu”, yir̄are can̄i buto busa waja seniḡu yiguñji Dios. Ñna ñnama ñeñaro busic̄õri bojo masimena. “Ḡua ãmoro bajiro busir̄ã yir̄ãji ḡua”, yama ñnaõna. Ito yic̄õri ángel mesare r̄uc̄uobitic̄õri, ñna rotirisere aja tudir̄ã yir̄ãji ñnaõna.

¹¹ Ñnare bajiro yibeama Dios ñnaro ḡana ángel mesa. R̄õore oca riasor̄ã r̄õtoro masir̄ã ñnama ángel mesa. R̄õtoro masir̄ã ñabojar̄ati, “Ãna r̄õore oca riasori masa ñeñaro yir̄ã ñnama ñna. Ito yic̄õri ñnare seti ñna”, Diore yi gotibeama ñna. Ñeñaro busitu ãmomena ñnama ángel mesa.

¹² Ito m̄ua wato r̄õore oca riasori masa, waib̄uc̄ar̄ã bajiro queno t̄uoñamena ñnar̄ãji ñna. “Ïja ado bajiro r̄õtar̄o yiroja ȳure”, yi t̄uoña masibitibojar̄ati, ñna ãmoro bajiro riti yama ñna. Ito yic̄õri Dios oca ñna t̄uo masibitire, aja tudiam̄a ñna. Waib̄uc̄ar̄ãre mani s̄iaro bajiroti riaso r̄õor̄ãre

ĩna ñeñaro yija ticõri, ñinare ruyuriogũ yiguĩji Dios.

¹³ Ito bajiro yiguti ñinare waja senigũ yiguĩji Dios, masa ñeñaro tõbujaroca ñina yire waja. Bojomenati, ãmũati ñeñaro yama ñaõna. Ito bajiro yicõri itire bũto wanũama ñina. Mũa rãca minijuacõri “Queno yirã ña gũa”, yi ruoama ñina. Ito bajiro yibojarãti, bũto ñeñaro tũoĩarã ñama ñaõna. Mũa queno tũo masibeja ñinare bajiroti ñeñaro yirã yirãji mũa cãni.

¹⁴ Gãji manojore ticõri, “Iso rãca yi aje ãmoa yũ”, yi tũoĩama ñina. Ñeñarise riti tũoĩa uyama ñina, ruore oca riasori masa. “Mani ya rujũnati mani yi ãmorise mani yija quena. Itire ti tebiquĩji Dios”, yi ruoama ñina, Diore queno masimenare goti ruorã. Gãjerã ya gajeonire ti uocõri itire bũja ãmorã tũoĩarãji ñaõna. Ito bajiri ruore oca goticõri josari mejeti gãji ya gajeoni bũjama ñaõna. Ito bajiro ñina yi ñaja ticõri, ñinare ruyuriogũ yiguĩji Dios.

¹⁵ Dios oca quenarise tũogoana ñabojarãti iti oca jidicãna ñama ñaõna. Ito bajiro gaje tũoĩacõri ñeñaro tũoĩama ñina. Beor macũ, Balaam wame cutigũ ñayorare bajiro ñeñaro yama ñina cãni. Diore goti ñsiri masũ ñabojaguti niyeru bũto maigũ ñari, “Ruore oca yũ gotija queno bũjagũ yigũja yũ”, yi tũoĩabojayijũ Balaam.

¹⁶ Ito bajiro tũoĩabojã, burro joe ñ jesa waroca, ado bajiro yiyijũ Dios. Masũre bajiro burro ñ bũsiroca yiyijũ Dios. Ito bajiro ñ yirocati bũsisũoyijũ burro: “Bũto ñeñaro yi tũoĩa mũ. Ito bajiro ñeñaro mũ tũoĩarise, tũoĩabesa mũ”, yi tudiyijũ burro ñre. Ito bajiro ñ yija tũo uacacõri, ñ ñeñaro tũoĩarise jidicãyijũ Balaam ñayorũ.

¹⁷ Queno tũoya mũa. Mũare goti masiore ocana gotigũ ya yũ. Ide ãmorã jaibitiya warã yirãji mani.

Ito ejacōri cara quearaya mani tija, bojori bujarā yirāji mani, ide idi āmobojarā. Cūma ñaroca cūni, ide bueri ti āmarā yirāji mani ide āmorā. Ito bajiro mani ti āma rūgōroca ide buerire mino iti wēa rētocōja bojori bujarā yirāji mani ide āmobojarā. Iti mani āmaro bajiroti, Dios oca t̄uo āmorā ĩ oca gotirā t̄uj̄u warā yirāji mani. ĩna t̄uj̄u ejacōri r̄uore ocati ĩna goti ñaja bojori bujarā yirāji mani, Dios oca quenarisere t̄uo āmobojarā. Ito bajiro r̄uore oca riasorāre ija ĩnare ĩ cōaroto b̄uto rāit̄iaro quenocāyij̄u Dios.

¹⁸ Ñeñaro yirā ñacōri masa jeyarore wan̄ure rāca r̄uo gotiama ĩna. “Mani ya ruj̄unati mani yi āmorise mani yija, quena ña. No yibea”, yi usirio codeama gājerāre. Bujato yama ĩna. Ito bajiro ĩna riasoja t̄uocōri, “Riti yama ĩna”, yi t̄uoīarā yirāji can̄u busati Jesure masis̄uoana. Ito bajiri t̄udi ñeñaro yi uyarā yirāji m̄ucana, ñeñarisere jidicābojana.

¹⁹ Ado bajiro gotiama r̄uore oca riasori masa: “Jeyaro mani ya ruj̄unati mani yi āmorise mani yija, quena ña. No yibea. Ija co rum̄u mani jidicā āmoja, jidicārā yirāji mani”, yi r̄uoama ĩna. Ito bajiro yibojarāti ĩna ñeñaro yirisere jidicā masibeama ĩna. Ado bajiroj̄ua bajia. No ñeñarise riti t̄uoīa uyaḡu ĩ ñeñaro yirisere jidicā āmobiqūji ĩ.

²⁰ No Jesucristo mani Ūj̄ure t̄uor̄un̄urā adi sita ñeñarisere jidicārā yirāji ĩna. Ito yibojarāti m̄ucana t̄udi ñeñaro ĩna t̄uoīa uyaja, b̄uto busa ñeñaro yirā yirāji ĩna. Ito bajiri Jesucristore ĩna t̄uor̄un̄uroto rioj̄ua ĩna ñeñaro yiado rēto busaro ñeñaro yirā yirāji ĩna ĩja.

²¹ Cristo oca masibojarāti, Dios rotirisere

jidicãcõri tãdi ñeñaro yirã yirãji ãna. Ñna ito bajiro yija ticõri, bato busa waja senigũ yiguĩji Dios ñnare. Ito bajiri Cristo ocare masibiticõrujabojañi ãna.

²² Jane mejeju gaye oca gotire bajiro bajia adi. Tite mua: “Muñocõri ñmasiti tãdi bagu yiguĩji ecaru yai. Ecana yeseare mani guja bero ñnamasiti ueri wõrã yirãji ãna”, yi gotia jane mejeju gaye oca. Ito bajiroti yama Dios rotirisere jidicãcõri mucana tãdi ñeñaro yirã.

3

Ado bajiro, bajiro yiroja mani Uju ã tãdi ejaroto riojuã, yire gaye

¹ Yu ñarã iti ramu muare papera cõacu yu. Ito bajiro yu cõarisenati Dios oca goticu yu. Quenarise riti tãoñajaro ãna yirocu, ito bajiro muare papera cõacu yu. Adi paperana cuni ito bajiroti uca yu mucana, quenarise riti mua tãoña suyajaro yirocu.

² Diore goti ñsiri masa ãna goti yurisere ãcabojabesa mua. Ito yicõri mani Uju oca guã goti ucutoni ã cõana goti ucurisere cuni ãcabojabesa mua. Manire masoru ã rotirise goticu guã muare.

³ Ñasarise muare gotigu ya yu. Ito bajiri itire queno tãoñaña mua. Adi macãrucãro jediroto riojuã Dios ocare aja tudiri masa jãjarã ñarã yirãji. Ito yicõri ãna ya rujunati ãna ñeñaro yi ãmorise yirã yirãji ãna.

⁴ Ado bajiro aja tudirã yirãji ãna: “¿Noju ñati, ‘Mucana tãdi ejagu yiguja yu’, yibojaru? Ito bajiro yiru ñabojaguti tãdi ejabicu yiguĩji Cristo. Tite mua. Mani ñicusabatia ãna ñado bajiroti bajia adi ramuri cuni. Iti ramuju ñado bajiroti bajia adi ramuri cuni.

Mucana tãdi ejabicu yiguĩji Cristo”, yi aja tudirã yirãji ãna.

⁵ Ito yibojarãti adi macãrucãro Dios ã rujeorere tãdi tũoĩa uya ãmobeama ãna. “Ï ya ocanati adi macãrucãro gayere rujeoyijũ Dios. Ito yicõri idere ã bata rotirocati sita ruyucoayijũ ãja”, yi tũoĩa ãmobeama ãna.

⁶ Ado bajirojũna bajia. Adi macãrucãro Uju ñami Dios. Ito bajiri ã rujeoja bero yoari ñeñaro masa ãna yija ticõri, ide quedi rotiyijũ Dios. Ito bajiro yicõri adi macãrucãro ñarãre ito yicõri adi macãrucãro gaye jeyarore ruyurioyijũ Dios.

⁷ Adi sita, ito yicõri macãrucãro cuni Dios ã masirisena riti ña. Ito bajibojarocati itire ruyuriogũ yiguĩji Dios. Ï ya ocana riti adi macãrucãrore ruyuriorocũ soe jeogũ yiguĩji Dios. Masare ã waja seniri rãmũ ito bajiro soe jeogũ yiguĩji Dios. Ito yicõri ñeñaro yirãre waja senicõri ãnare ruyuriogũ yiguĩji Dios.

⁸ Yu ñarã adire ãcabojabesa mũa. Usirioro yigũ meje ñami mani Uju. Ï tija yoabea mil rodori ñarise. Co rãmũacãti bajiro bajia ã tija.

⁹ Mani tijama yoari sejami Dios. “Ï yiro bajiro ejori yibeami ã”, yi tũoĩa mani. Ito bajiro mani tũoĩabojarocati, ado bajirojũna bajia. Ñeñaro yirãre ejori ruyurio ãmobeami Dios. Masa jeyarore ti maicõri sãgũ jeameju ware ãmobeami Dios. Ito bajiri, “No yure tũorãnũgũreti jeame ãjũroju cõabicũ yigũja yũ”, yi tũoĩacõri ãnare yugũ yiguĩji Dios maji.

¹⁰ Ito bajiro yubojagũti co rãmũ tãdi ejagũ yiguĩji Jesús. “Jane tãdi ejagũ yiguĩji ã”, mani yi tũoĩabiti rãmũ tãdi ejagũ yiguĩji Jesús. Ï tãdi ejari rãmũ

ũmacũjũ guijoro oca ruyuro yiroja. Ito yicõri macãrucãroju yobojana jedirã yirãji. Ito yicõri adi sita jeyaro ñabojarise ʘa jedicoaro yiroja. Masa ñna menigobojare cãni jeyaro ʘa jedicoaro yiroja. Ñejua ruyabeto yiroja ñja.

11 “Ito bajiro adi sitare ruyuriogu yiguñji Dios”, yi tũoĩacõri, ado bajirojua yiruja manire. Quenarise riti yiruja manire. Ito yicõri Diore rãcũbũorã ñ yiro bajiro riti cũdiruja manire.

12 “Co rũmũ mani ʘjũ tũdi ejagu yiguñji”, yi tũoĩa ñaruja manire. Ito bajiro tũoĩacõri, “Coji ñ ejare ãmoa yũ”, yi tũoĩaruja manire. Ito bajiro tũoĩacõri quenarise riti yi ñaruja manire. “Ñ ejari rũmũ macãrucãro, adi sita ñarise jeyarore ruyuriogu yiguñji Dios”, yi tũoĩa mani.

13 Iti tũo masibojarãti gãi ʘsiríomenaji mani. “Dios ñ ãmoro bajiro yigu yiguñji”, yi tũoĩa mani. “Adi macãrucãrore ruyuriocõri jacaũ cãni ũmacũjũ cãni mame rujeo wasoagu yiguñji Dios. Ito yicõri itojũ queno yirã riti catitĩñarã yirãji”, yi tũoĩa mani. Ito bajiri Dios ñ bũsigore masicõri gãi ʘsiríomenati ñre yurã yirãji mani.

14 Ñ tũdi ejari rũmũ bocati ñarã ñacõri, mani ñeñaro yirisere jidicã jeoruja yũ ñarã manire. Ito yicõri, “Ñ ãmoro bajiro riti yicũja yũ”, yi tũoĩa ñaruja manire. Ito bajiro yi ñarãti Dios rãca sũgũre bajiroti ʘsi cãti ñaruja mani. Manire ñ ti wanũtoni ñe seti mana mani ñaja quena.

15 Coji ñ ejabeja ticõri, ado bajiro yi tũoĩaruja manire. “Masa jãjarã bũsa maso ãmogũ adi macãrucãrore ruyuriorocũ ʘsiríobeami Dios”, yi tũoĩaruja manire. Adi yũ ucare bajiro mũare ucañi

Pablo mani maigũ cuni. Dios ã masirisena ito bajiroti yi ucañi Pablo mũare.

¹⁶ Coji mũyabeto mũare ucagũ iti oca gotiñi Pablo. Ito bajibojarocati josari ña ã riasogore oca. Ito bajiri ã ucagore tũo masi ãmomenama ricati riasorã yirãji. “Ado bajiro yi ãmoñi Pablo”, yi mũorã yirãji ãna. Ito bajiroti Dios oca tuti ticõri wisare oca riasorã yirãji ãna. Ito bajiro ãna yija ticõri, ãnare waja senirocũ ãnare ruyuriogũ yigũji Dios.

¹⁷ Queno tũoya yũ ñarã mũa. “Dios oca riasori masa ña gũa”, yibojarãti mũore oca gotirã yirãji coriarã. Itire tũo masicã mũa. Iti masicõri queno tũoĩa yucãña mũa. Diore cãdimena ãna mũorise ocare tũorũnũbesa mũa. Ito yicõri Jesure tũorũnũrã ñari ãre jidicãbesa mũa.

¹⁸ Ado bajirojũa mani yija quena. Bũto bũsa mani Æjũ Jesucristore tũorũnũrũja manire. Ito yicõri ãre mani cãdi masitoni, ã ocare riasotirũja manire. ãti ñami manire masorũ. Ito bajiri ãre rãcũbũorona ado bajiro ãre bũsitĩñarũja manire: “Rẽtoro masigũ ña mũ. Ñimũ gãji mũre bajiro masigũ mami”, yitĩñarũja manire. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
2581ee54-739f-5595-8d44-83c638ed667b